

丹山詩集

卷式
抄本

丹山詩集

卷之三

丹山詩集

丁巳年

季男景陽錄

鼎爐吟

家有鼎爐亡兒髡負陽故物也內人禮佛出而拭見爐衣工巧係兒手
澤觀物啣哀淚泫泫不止因賦以解之

髡兒遺此爐鑄自金齒地什襲製禊中寬窄如其式携歸娛老
人焚香清沔氣鼎爐久彌光吾兒早下世想像孺慕心初終無改易
重泉隔八年音容渺難記阿母重撫摩鼎在人非是覩物更思兒淚
漬沾衣袂老我亦寒心魂礪填胸臆好語慰老妻人生如適市日夕掉背歸

誰能常相聚徒抱甜憤情悲悼終無濟不如達者觀生死同一視況有三童
孫尚未斬厥祀破涕暫解顏願試看童孫戲鼎爐何足珍鼎爐有特敝
但願兒與孫箕裘永不輟

春寒夜不成寢伏枕思鳴齋北上不歸傲前輩用藥名戲成七律以寓

懸望之思

天門冬上下面鄉

借音

折桂翻成挂角羊

桂與羚羊皆入藥

紅粉娘同雞骨瘦

伊婦多病

白頭翁媿菊花黃

但翁八旬令漸痿廢

烏知附子連翹語春為當歸帶木香悵望天南星斷續人生只合老農桑

人桑入藥

咏僧房石上小松

頑如片石秀挺兩株松短勁難棲鶴磔珂欲化龍甘同禪定寂肯受大夫封試
看芬芳卉凋零不謝冬

咏山茶

自是西南秀移根近祖堂清孤超物表濃郁學宮粧晚節堅金石高標壓海棠赤
心終不改歲歲親春王

天然孤特種艷麗冠滇鄉擬負連仙骨全拋俗_區粧渥丹心本赤向日葉仍香總為君
門遠無緣到上方

春日土墳家人同宴近仙樓因賦長歌

雪霏霏風颭颭豔陽天氣冷如秋舉絮盒上墳去年老怯寒身逗留分付兒曹權祭
奠飯餘同宴迂仙樓迂仙樓進酒籌騎鶴驂變遷處所獨有吾曹日來遊來遊無
稀客家人互唱酬伯仲三人同衰老妻偕隱並白頭子弟牽妻袂童孫扶我鳩
次第追隨跣趺坐禮佛凭欄任優游袖手憐寒進楫拙燒松煮茗啖旨饌啖罷擁
爐不忍去兒童嬉笑戲林邱適有松風颭然至自翔逍遙勝仙儔吁嗟乎富貴何
足羨名利總云浮勘破機關惟一笑不如海上狎盟鷗安得百年同此樂且將韋布
傲王侯

里仁鄉聽箏吟

雅音久不作淫哇驚雷鳴求其近古樂祇有箏與篳縱難比琴瑟悠柔尚可聽
春仲客村落嚶嚶求友聲賞音多同調怪石竦孤亭主人爛音樂為我理玉箏
間以鼓與拍和以龍笛清一彈躁心釋再彈欲心平大小珠併落和風溢階庭水流
花爭放草怒石奇橫乃知音樂理最能移性情成連遊海上曾心入香冥樂不分今
古悅耳即九成感此絲與竹蒼茫百感生何不上清廟鼓吹揚清明

人日立春喜晴

積陰忽霽報王春佳節相沿況是人草木尚知萌甲拆蛟龍豈久復久沉淪年來沴氣

陽逐目下文光競日新歲稔時和今有此普天嘉慶荷楓宸

時嘉慶二年

喜段鳴齋歸自都門

萬里歸來客前夕夢中句昨宵夢不差情癡人墮淚語澀但呼茶未訊風塵苦翻驚面華

匆匆難繫說端囑早還家時晤館中

憐君文弱慣匹馬畏途來鋒火黔山滿妖氛楚水排脫身離虎穴爾足走鷹崖乍

見渾疑夢端詳笑口開

送君馳驛去彈指兩經春再晤天涯客恍同隔世人兵戎頻冒險書劍未蒙塵呵護憑誰力冥冥有鬼神

北土余雖老羨君正妙年彤廷空對策襖被又歸田盤錯仍完璧升沉聽彼天從茲休

進取開戶樂園圖

率成四律 首叙乍晤 次述世路坎坷 幸保無虞 終慰下第 更定潛隱 狂瞽之言 不實 過激也 自記

接西阿谷大史介夫袁明府寄書

崇朝接得雙鯉魚 萬里交情一紙書 反覆靡年婆忘盟 櫛杲杲 旭日過前除 幽棲久羨居
官好詎信居官避 不如世局若將成 敗論卧龍早不出茅廬

宗祠賞荷四絕

元陽兩月別宗祠 花事榮枯總未知 詎信良田無蕪草 小塘衣舊有芙蓉
去歲種荷初試蕊 今年花放便盈池 從知地力無常盛 培養根芽要趁時
老人醒眼無常物 纔見名花笑口開 最是月明清露下 寂無人處有香來

卓立亭亭影復疎
蕊芳心肯受點泥汙
憑他艷色人間滿
看到此花盡不如

民鬪行

書言可畏厥惟民
朽索豈禁六馬奔
譬若江河滔滔水
載舟覆舟須臾更
又如炎炎燎原
火不可撲滅
始星星滇民淳樸
號近古民數百年
不罹兵總惟醒政
積弊久糧鹽戶鹽
巧立名吏胥為奸
上下手網利峻法
擾累頻君門萬里
難控訴窮簷仵離
不聊生奸婦伺
隙糾惡少訛言匿
帖日紛紛蠢蠢無
知易輒動天吠影
百吠聲填街塞巷
如蜂蟻脅官捉吏
無君臣先從衙蠹
肆荼毒虎禍移羊
辱士紳華屋大門
登時折瓦碎垣頽
應手傾悍婦結羣
恣標掠寸帛粒米
無一存人懷怨毒
不肯休誅其尤者
挾其精忍者良民

太慘刻古來無此挖目刑雙目失精一身廢矧加拷掠無完身鄰邑效尤聞更甚守土戒
嚴閉城門對官礫人同兒戲焚倉劫獄傷官親富室家私搶掠盡婦女逃匿鳥獸驚千秋
罕聞此奇變天地為愁白日昏我解閭閻民不解事虎狼搏噬氣勢橫但解咆哮貪大
嚼誰知目前有坎坑公令森嚴豈宥汝恐及無辜冤莫伸老我股栗不忍見不先不後
生不辰一生哀邁何足惜偏憐繞膝諸兒孫但願承之來循吏轉瞬或可俟太平古來
萬目同此志未可憂天笑杞人

偕竹里步飛來寺遇家孟堅張鶴亭趙鳳崗看雪山房小集

盛夏兼元陽災膚等炮烙館舍鬱鬱無聊携友出北郭出郭不忍看赤土焦曉

峻緩步詣飛來兄友齊會合會合難猝離劇談坐小閣感歎同衰老夕日西山薄區區抱杞憂毋乃胸未拓天壤如此寬隨境任著住清時小太平大半在蘭若僧寮晚齋菜根耐咀嚼歸夢蓬窗間魂不離澗壑山靈來歎余君等何大樂

題賴子書屋

孤村當孔道僻地起蝸廬登嶂層層抱窗櫺面面疎還宜營石兼可貯琴書人世多囂壤此間俗氣除

遊相國寺冒雨期趙鳳岡不至

互訂遊山總為君

趙君素未
抵寺因約

誰期中道雨紛紛達觀固不拘行止真賞還宜

據見聞笑我踏穿東閣履羨君高卧北窗雲何時再踐向禽約倦鳥投林樂

舊羣

不到招提已十年重遊恰屆次寥天拓開倦眼千崖爽透洗塵心一句泉紙上僧留

真面目

參無盡和
尚真容

松間客話舊因緣博山爐在思先澤臨去摩娑意惘

業有香爐係
先君所鑄

看荷

老人醒眼無長物纔見名葩笑口開最是月明清露下翩翩翠葉有香來

荷葉
有香

惟清夜
有嗅

一點芳心不受污
亭亭卓立影蕭疎
任他麗人聞病
看到芙蓉總不如
萬卉爭妍多媚態
此花潔靜本天然
支風無力敬如隨
別樣風神信可憐

咏田子花園鷺鷥

生來游戲水雲鄉
羈縻隨人伴沼塘
睥睨花開懷遠渚
翩躚月榭舞霓裳
暫同雞鶩初非偶
俯啄蠅虫祇自忙
留得天然真皓白
褪毛斂角鷺首毛如白角復何傷

山園偶步

曠懷無寄處
浪跡過山園
遠水兼天碧
寒烟擁屋屯
掀籬開棘路
摘果啖童孫
共詫風塵外
羽書日日奔

輓風月和尚

驚門老衲已茶毗杖錫來又返西再覓津梁叅白板空留蛻骨委黃泥
一燈依舊傳龍鉢三笑何人過虎溪鷺嶺不堪回首處寒松謾謾草
萋萋

宿津梁山房夜雨即景

五夜淒清欲曙天聽殘浙瀝不成眠窗間樹寫模糊影枕上溪鳴斷
續絃鐘磬聲寒猶帶濕烟嵐氣噴更如綿晨興更向樓頭望旭
日東昇俯大千

訪熊蔚門遍知寺遇雨次韻

知交難遽別天遣雨留人
白社償詩債青山了宿因
溜聲初震瓦濕翠欲沾襟
巾不盡綢繆意幽懷仗筆伸

咏池邊鷺鷥二絕

江湖地隔海天遙
悄立池干拂羽毛
戀戀魚鰕飛不去
時時整翮對

雲霄

吳鼓飛騰終是幻
漢廷序立也耽勞
不如暫隱漪漣側
啄雪餐霞自

養高

秋後一日諸子文會洱河陽

吾儕學殖久拋荒
重理生涯傍洱陽
浥雨庭蕪仍帶綠
經秋岸柳欲催黃
傳心擬繡鴛鴦譜
憤世難澆傀儡場
同際清時須努力
丹山有鳳合鳴崗

聞洱河溺死者衆

水可載舟亦覆舟
傳聞渡客溺中流
屍骸半葬江魚腹
妻子空號洱水頭
骨暴沙汀天也慘
魂沉海曲鬼常愁
阿誰覓得回生術
拯起多人笑不休
溺水者必笑